

6792

891.99

2h-91

2003

Հ-ԶԱՏՎՑ

ՀՅ-Ա

391.542-3

Ա-92

ԹԱՐԵՎՈՐԸ-ԳՅՈՒԿԸ-ՅԻՌՎԱՆ
ԳԵՐԱՄՊԵՍԱԿԱՆ ԳՐԱԴԱՐԱՆ

№ 18

Քաղաքական Լուսավորության
Գլխավոր Վահագոյան

№ 18

ՄԿՐՏԻՉ ԱՐՄԵՆ

ԱՄԱՍՄԱՆ ԱՐՄԵՆԻԱ

ՊՐԱԿ ՅԵՐԿՐՈՐԴ

ՊԵՏԱԿԱՆ ՀՐԱՄԱՆԱԳՐԻ ԹՅՈՒՆ
ՅԵՐԵՎԱՆ 1929

2011

1920s (8 pages)

353471

~~10000~~

Ա-99 սր. 1120

ՔԱՂԱՔԱԿԱՆ ԼՈՒՍԱՎՈՐՈՒԹՅԱՆ ԳԼԵԱՎՈՐ

Nº 18

ՎԱՐՉՈՒՅՑՈՒՆ

Nº 18

ՄԿՐՏԻՉ ԱՐՄԵՆ

ՊԱՏՄՎԱԾՔՆԵՐ

ՊՐԱԿ ՅԵՐԿՐՈՐԴ

530



Հր. № 1948. Գրառեպվար № 1734 (բ). Տիրաժ 200
Պետհրատի առաջին տպարան Վաղարշապատում
Պատվեր № 50

ԲԱՆՎՈՐՈՒԽԻՆ

1.

Նույնիսկ այդ ուշ ժամին տեքստիլ գործարանի թաղամասն ամայի չեր: Մինչդեռ քաղաքի մյուս ծալքամասերն արդեն լոել ելին և այդտեղի փողոցներում վոչ վոք չեր յերեսում, տեքստիլ գործարանի թաղամասում, գլխավորապես դեպի գործարան տանող փողոցում անց ու դարձը դեռ չեր դադարել: Անցնում ելին բանվորներն ու բանվորուհիները, վորոնք գնում ելին գործարան, յերկրորդ հերթից դուրս յենողներին փոխարինելու: Իսկ գործարանի կողմից բարձրածիծաղ խմբերով վերադառնում ելին աշխատանքը վերջացրած բանվորները: Անցավ մի բեռնակիր ավտոմոբիլ, անցավ յերկրորդը, քիչ հետո յերրորդը: Այդ քաղաքի հեռու մասերում ապրող բանվորներ ելին, վոր գնում ելին տուն:

Այդ բանվորներից շատ քչերն ելին, վորոնք մասնավոր բնակարաններում ելին առլում, և նրանց բնակարանը հեռու չեր: Նրանք ապրում ելին գործարանի հանրակացարաններում, վորոնք

գտնվում ելին գործարանի կողքին։ Այդ հանրակացարաններում ապրում ելին զլիսավորապես այն բանվոր-բանվորուհիները, զորոնք մի ժամանակ յեղել են վորբեր, — վորբանոցալին յերեխաներ։ Նրանք հիմա յել չափազանց յերիտասարդ են և նրանցից ամենամեծը հաղիվ քսանչորս տարեկան լինի։ Ապրում են յոթ-յոթ, ութ-ութ յուրաքանչյուր սենյակում։ Իսկ այդպիսի սենյակներ հանրակացարաններում ութ հատ են։

Իսկ գործարանն այդպիսի հանրակացարաններ՝ առաջմ դւնի միայն յերեք հատ։ Մեկը տղաների համար, իսկ մյուս յերկուսը՝ աղջիկների։

2.

Համար յերկու հանրակացարանի դուռն արագ բացվեց և արագ փակվեց։ Ներս մտնող Աղամին միայն մի բառ, — «անամոթ» — շպրտեց դեպի մթությունը, դեպի դուրս և ծիծաղելով փակեց դուռը։ Յերբ նո շուռ յեկավ դեպի ննջարանը, ծիծաղը փոխվեց լրջության։

— Քնած են...

Նա մտավ ննջարան և նորից շնչաց, կարծես իրեն համոզելու համար։

— Քնած են...

Իսկ նրա դեմքի վրա՝ զարմանքի արտահայտություն։

— Քնեցին... ինչպես ինչպես այսքան շուտ...

ԶԵ վոր գործարանից դուրս յելան միասին։ Նրանք, այսինքն իրենից և Վարդգեսից բացի բոլոր մյուսները, ուղիղ ճանապարհով գնացին իրենց տները կամ հանրակացարան, իսկ ինքն ու Վարդգեսն անցան այն մյուս ճանապարհը և այնտեղով քաղեցին դեպի հանրակացարան։

Ճիշտ ե, մի քիչ դանդաղ ելին քալլում, նույնիսկ մի յերկու անգամ կանգ առան, ճիշտ ե, վոր «ացդ մյուս» ճանապարհը սովորականից մի քիչ ավելի յերկար ե, այնուամենայնիվ, քնել այսքան շուտ...

— Միթե այդքան շատ ժամանակ անցավ...

Աղամին հանվեց և մտավ ա՛կողին, բայց քոմը չեր տանում, նա մի տեսակ եր։ Մի տեսակ՝ տխուր և ուրախ։ Դա մի տրամադրություն ե, վորը բառերով դժվար կլինի արտահայտել։ Հաճախ այդ տրամադրության մեջ են լինում այն մարդիկ, վորոնք հիշում են իրենց դժվարին, տխուր անցյալը և համեմատում են պայծառներկալի հետ։

Այդ տրամադրության մեջ են լինում նաև սիրահարվածները։

Աղամին մտածում եր ..

Սրանից միքանի տարի առաջ, քաղցի ու ցրտի տարիներին, ինքը նույնքան գեղեցիկ եր, ինչպես և հիմա: Այդ եր պատճառը, վոր իր մայրը մեռնելու բոլեցին իրեն կանչեց, շուց գլուխն ու ասաց:

— Աղամսի ջան, պատվով յեղիր. նամուսդ ձեռքիդ պահիր... ազնիվ աղջիկ յեղիր...

Յեվ Աղամսին մտածում եր կատարել մոր ցանկությունը, լինել «պատվավոր աղջիկ»:

Ի՞նչ ուներ ինքը Վոչինչ չուներ: Ընդունավեց վորբանոց, վորպեսզի սովից չմեռնի: Իսկ դրսում, վորբանոցի պատերից այն կողմ, վոչ միայն սովու եր, այլև արյունը: Կարելի յեր մեռնել վոչ միայն սովից, այլ նույնիսկ պատահական մի գնդակից...

Ի՞նչ ուներ ինքը, — Աղամսին: Վորք եր բոլոր վորբերի նման: Գեղեցիկ աղջիկ եր: Ամերիկան հնամաշ շորեր ուներ հագած:

Այդ բոլորը լավ: Բայց ի՞նչ ուներ Աղամսին, ինչ թանգագին բան ուներ, բացի իր «պատվից»: Յեվ նա պահում, պահպանում եր իր «պատիվը»:

Մի որ վորբանոցի կառավարիչը նրան կանչեց իր սենյակը և նա հասկացավ կառավարչի մտադրությունը: Գնաց, բայց նրա, այդ «կեղ-

տուտ մարդու» առաջին փաղաքանքից անմիջապես հետո, դուրս թռավ սենյակից:

Այդ որվանից, նա դարձավ մարդկանցից փախչող, նրանցից խորթ:

Վոչ մի լավ մարդ չեր տեսնում իր շուրջը: Բոլորը վատ ելին ու չար, և բոլորն ուզում ելին հափշտակել իր միակ «հոգեպահուստը», — «պատիվը»:

Յեվ Աղամսին, այդ որվանից սկսած, ավելի և ավելի ուշադրություն դարձեց իր «պատիվը» պահպանելու վրա: Իր միակ թանգագին բանը...

— Աղամսու նման մաքուր յեղիր... հիշում եր նա իր մոր խոսքերը:

4.

Շատ բան փոխվեց վորբանոցում հեղափոխությունից հետո, բայց այդ շատը դեռ քիչ եր թվում վորբերի համար:

Ճիշտե, յեկան լավ կառավարիչներ, «բարի և ազնիվ» մարդիկ, բայց ինքն ու մյուս վորբերը դեռ չելին կարողանում մոռանալ անցյալի, շատ մոտիկ անցյալի դառնությունները նրանք դեռ մարդկանցից քաշվող ելին, անվստահ, և դժվար ելին ըմբռնում այն բանը, վոր «այս կառավարությունը, բանվորների ու գյուղացիների կառավարությունը, նաև վորբերի կառավարությունն ե»:

Այսպես եր ասում նոր կառավարիչը:

Այն, ինչի մեջ վոր չկարողացավ համոզել կառավարիչը, համոզեց կյանքը: Վոչ մի պատ չմնաց վորբանոցների և «դրսի» միջև: Վոչ մի անվստահություն չմնաց:

Յերբ վտանգ ե սպառնում մարդու կյանքին, նա խնայում ե իր կյանքը և պաշտպանում: Յերբ վախ ե սպառնում մարդու «պատվին», նա «պատիվ» ե պաշտպանում: Իսկ յերբ վոչ մի վտանգ չկա, մարդը դառնում ե անփուլթ իր կյանքի ու «պատվի» նկատմամբ և սկսում ե զբաղվել ուրիշ բաներով:

Այսպես ել պատահեց Աղավնու հետ: Պատահեց կամաց-կամաց, աստիճանաբար, բայց պատահեց: Ընդարձակվեց նրա տեսողության դաշտը, ընդարձակվեց, և յերբ մի որ յեկավ նոր կառավարիչը և առաջարկեց ցանկացողներին մտնել Փաբրուրծուս, ինքն առաջին ցանկացողը յեղավ:

Կյանքն ինչքան բազմազան ե և ինչքան լավ: Կյանքն ինչքան վատ կարող ե լինել մի դեպքում և լավ մի ուրիշ դեպքում: Աղավին ֆաբրուրծուսում իրեն զգում եր այնքան ուրախ, այնքան լավ: Այդ միջավայրում բոլորն ընկերներ ենին և իրար հարազատ: Շուտով ինքն ել դարձավ հարազատ ընկեր:

Սովորեց դաղգահի վրա աշխատել և մտավ գործարան: - Տեքստիլ գործարան...

Այս ե Աղավնու անցյալը: - անցյալի պատմությունը:

5.

Աղավնու քունը տանում եր: Նա շտապեց վերջացնել, կծկել իր մտքերի թելը և հանգիստ քնել: Նա ժպատաց: Հիշեց «պատիվը»: Ի՞նչ եր... Իսկ հիմա, յեթե մեկն իրեն հարցնի այդ մասին, նա կպատասխանի.

— Այն, ինչ վոր կարող ե մնաս հասցնել պլրուետարիատի շահերին, այն ե վատը: Միրել պլրուետարիատի շահերը, նշանակում ե լինել պատվասեր:

Այդ ե պատիվը...

Այդ մասին նրան սովորեցը ել վոչ միայն քաղդպրոցը, այլև կյանքը:

— Անամոթ, առանց ալեալության ուզում եր, վոր... իսկ ներսում քնած ելին: Դուռը շրիկացը: Կարող ելին արթնանալ:

... Հիմի նա յել յերեի, պատկել ու մտածում ե: Գուցե նա յել հիմի վորենե բան հիշեց: Գուցե նա յել ժպատաց:

Վաղը կամ մյուս որը մի մահճակալ կապատվի տղաների հանրակացարանում և մի մահ-

ճակար աղջիկների հանրակացարանում։ Զագսի
քարտուղարը շուռ կտա № 346 թերթիկը և կդրի.
— № 347...

Իսկ հանրակացարանում, — յերկու հանրա-
կացարաններում կնդունվեն յերկու ուրիշները...

Աղամին քնեց։

Գործարանում աշխատում եր յերրորդ
հերթը։

||

ՄԱՐՄՆԻ ԶԱՅՆԸ

1.

Արշավիրն այնպես գիտեր, թե մարդիկ բա-
ժանվում են յերկու տեսակի։ Ֆիզիկական աշ-
խատանքով զբաղվող մարդիկ և մտավոր աշխա-
տանքով զբաղվող մարդիկ։ Ինչը պատկանում եր
վերջինների թվին։ Յուրաքանչուր կոմյերիտա-
կանի, վորն ապրում եր այդ քաղաքում, շատ
լավ ծանոթ եր Արշավրի վտիտ կազմվածքը,
ներս ընկած կրծքով, աչքերն անփայլ և ամբողջ
մարմնով կարծես վիլրուն կավ։

Հաճախ նա մտնում եր վորևե տեղ զեկու-
ցում տալու կամ վորևե ժողովի մասնակցելու
համար։ Նա շատ տեղերում եր լինում և շատ
տեղերում եր զեկուցումներ կարդում։ Բջիջ,
ժողով, նիստ, խորհրդակցություն և այդպես ան-
վերջ։ Իսկ յեթե նկատի ունենանք, վոր այդ բո-
լորի հետ միաժամանակ նա կոռպերատիվի աշ-
խատավոր եր, ապա պատկերը լրիվ կլինի։

Յերեկոյան Արշավիրը հոգնած վերադառնում
եր տուն, բայց այնտեղ ևս նա հանգիստ չուներ։
Նրա սեղանի վրա միշտ կդտնվելին դիագրամ-

ներ, աղյուսակներ, ցուցակներ, շրջաբերական-ներ և ելի հազար ու մի թղթեր, վորոնք նա կարդում եր, արտագրում, կետեր նշանակում և այն։ Հաստատ կարելի յեր ասել, վոր նրա սեղանի վրա, չեր յեղել վոչ մի որ, վոր կիսատ գործ չդառնվեր։ Կամ սկսված-չվերջացրած, կամ վերջացրած, կամ գեռ չսկսած և կամ՝ վերամշակման կարու։

Թվում եր, վոր Արշավրի ամբողջ կյանքը բաղացած եր թղթերից, ժողովներից ու կոռպերատիվից։ Այսինքն այն յերեք մասերից, վորոնք կազմելում ելին նրա առորյա աշխատանքի հիմնական տարրերը։ Զոր, սառը, — Արշավիրը թողնում եր անպիսի տպավորությունն, վոր կարծես նա չունի վորեւ զգացմունք և ապրում է միայն ուղեղով։ Կարելի յեր յինթաղել, թե նա վոչ մի վայրկյան հաճուքը չի կարող ստանալ վոչ յերաժշտությունից, վոչ թատրոնից և վոչ ել վորեւ գեղեցիկ տեսարանից։ Միակ զգացմունքը, վոր կար նրա մեջ, դա սերն եր գեղի իր ընկերները, գեղի քաղաքի կոմիտատական և աշխատավոր յերիտասարդները։ Այդ նրա տարերքն եր և այդ տարերքի մեջ նա պատրաստվում եր գուրս զալու քաղաքական մեծ գործիչ, մեծ հեղափոխական։

Այդ նրա բաղձանքն եր։

2.

Բայց Արշավիրն աս, ինչպես մյուս մարդիկ, ուներ զգացմունքներ և ապրում եր այդ զգացմունքներով։ Այդ բանն սկսվեց մի ամառնալին լուսնկա յերեկո, քաղաքի վերին մասերում, ուր նվազ ելին եւեկտրական լուսները։ Յեվ ում հետ Գոհարիկի։ Այն Գոհարիկի, վորն իր հետ միասին պաշտոնավարում եր կոռպերատիվում և վորին քանի անգամներ նա ինքը զիմել եր սառը տոնով ու բավական պահանջկոտ, հիշեցնելով, վոր նու դեռ չի վերջացրել իրեն հանձնաբարփած գործը։ «Զգձգութեր պետք չեն, ընկեր Գոհարիկ, շտապեցեք»։ Այս մի նախագասության մեջ կարելի յե ամփոփել Արշավրի վերաբերմունքը դեպի Գոհարիկը։ Իհարկե, գործի ժամերից հետո մի քիչ ավելի ընկերական։

Բայց այդ յերեկո ուրիշ կերպ յեղափ։ Նա և Գոհարիկը միասին բարձրացան վերև, գեղի քաղաքի ամայի փողոցները, ուր կարելի յեր խոռոշել, վիճել, առանց մեկի կողմից լսվելու։ Շատ հաճախ եր պատահում, վոր Արշավիրն ու Գոհարիկն այդ փողոցներում կատարելին իրենց զբոսանքները յերեկոյան ժամերին։ Յեվ սակայն, վոչ մի որ առանձին վոչինչ չեր տեսել Արշավիրն այդ զբոսանքների մեջ։ Այդ վոչ թե նրա-

նից, վոր նա շուներ յերիտասարդին հատուկ այնպիսի զգացմունքներ, ինչպես սիրելը և այլն, այլ վորովհետև նրանց պտույտներն ինքնաբերաբար ուրիշ թեքում ելին ստացել, Քաղաքական խնդիրներ, տնտեսական հարցեր, - ահա նրանց խոսակցությունների նյութը։ Իսկ այդ, ինչպես ստացինք, Արշավիր տարերքն եր։ Այդ պատճառով ել նա շատ քիչ եր հետաքրքրվում Գոհարիկի «աղջկալին» կողմերով։ Նա իր ընկերուհին եր, իր սիրելի ընկերուհին, և միայն այդքանը։

Այդ յերեկո՝ քաղաքական ու տնտեսական աշխարհի բոլոր նյութերն սպառվեցին, թե ինչ Յեղավ մի ժամ, յերբ յերկուսն ել լուս քայլում ելին։ Գոհարիկը, թեևնույնպես հետաքրքրվում եր Արշավիր սիրած հարցերով, բայց քիչ չելին այն որերը, յերբ նա Արշավիրին առաջարկում եր ընդհատել խոսակցությունը և անցնել մի ուրիշ նյութի։ Հայտնի չե, թե «ուրիշ նյութ ասելով» հատկապես ինչ եր հասկանում Գոհարիկը, բայց Արշավիրը, լսելով նրան, ընդհատում եր գյուղատնտեսական կոռպերացիալի մասին իր դիսերտացիան և անցնում եր սպառողական կոռպերացիալին։ Իսկ այդ որն ընդմիջումն ինքնիրեն յեկավ բայց վոչոք չեր անցնում ուրիշ նյութի։ Այդպես լուս քայլեցին մի ժամ, ապա բաժանվեցին։

Այդ եր ամբողջը, Բայց Արշավիրի համար արտակարգ մի բան կար այդ ամբողջի մեջ։ Ինչ վոր զգացմունքային բան։ Նա ճանապարհին և տանը մտածում եր։ Յեվ դեպքեր, չնչին, փոքրիկ դեպքեր, յերկրորդական մանրամասնություններ, սկսեցին ուրիշ կերպ յերևալ իր աչքին։ «Գոհարիկին անտարբեր չե իմ հանդեպ»։ Այս եր հիմնական իմաստը։ Յեվ այս իմաստն ուրիշ բովանդակություն եր տալիս պատահած չնչին դեպքերին ու խոսակցություններին։ Ահա թե ինչ։ Այս հիմա արդեն կարելի յե հասկանալ, թե ինչու Գոհարիկը յերբեմն նայում ե իրեն ներսուզող հայացքով։ Հիմա հասկանալի յե նաև այն, թե ինչու նա հաճախ բաժանվում ե իր լնկերներից և իրեն հետ ե զբունում։ Յեվ վերջիվերջո՝ անցյալ որվա այն հարցը, թե «Կ՞ը բարձր պիտի ամուսնանաս, Արշավիր»… Այս բոլոր մանրունքը, վոր մի ժամանակ Արշավիրին թվացել եր ընկերական վերաբերմունք, այժմ արդեն, այդ յերեկոյից հետո, ստանում եր ուրիշ գունավորում։

Այնինչ, անաշառ լինելու համար պետք ե ասել, վոր Գոհարիկի վերաբերմունքի մեջ վոչ մի փոփոխություն չեր յեղել վոչ առաջ, վոչ ել այդ որը։ Իսկ այդ վերաբերմունքի մեջ, կարելի յե ասել, վոր սիրալին վոչինչ չկար։ Զուտ մտե-

ըիմ ընկերական, ուրիշ վոչինչ։ Բայց սիրահարվողների հետ հաճախ այդպես և պատահում Յերբ ինքը սիրում է, նրան թվում է, թե դիմացինն ել անտարբեր չե իր հանդեպ։ Այդ բանն եր տեղի ունեցել նաև Արշավրի հետ։

(Ի՞արկե, դա չի նշանակում, վոր յեթե Գոռհարիկն իմանար նրա սիրահարվելու մասին, անպայման պետք ե մերժեր, Գուցե և պատասխաներ դրական։ Արշավրը վատ տղա չեր, թեև նրա նիհար կազմվածքն ու վտիտ դեմքը, գիմացինի վրա թողնում ելին հիվանդի տպավորություն)։

3

Արշավրից ստացվող հիվանդոտ տպավորությունն այնքան ել սխալ չեր։ Շատ հաճախ դիշերները, քնած ժամանակ նրան թվում եր, թե իր կրծքի վրա ինչ վոր ծանրություն կա դըրված. - ծանը քար։ Առավոտյան, յերբ նա արթնանում եր, փոխանակ իրեն կազդուրված զգալու, ավելի ջարդված եր զգում և հոգնած. կարծես դիշերը չեր քնել։ Արշավրի հետ գլխացավ հաճախ եր պատահում. Գործի յեռուն ժամանակ ոլատահում եր, վոր նա ուզում եր քնել կամ թուզ մեկնվել անկողնի վրա։ Այնքան հոգնած եր զգում իւն։ Այդպիսի բովեներին նա դիտակցում եր,

վոր կոմիերիտական ու հասարակական լարված աշխատանքները հյուծել են իրեն։ Յեվ նա այդպիսի բովեներին յերազում եր մի զով ու մաքուր ամառանոցի մասին, սպասելով արձակուրդին։ «Կոնամ, — մտածում եր նա, — կկազդուրդեմ և կգամ։ Ել ինձ հիվանդ չեմ զգա»։

Հաճախ ընկերներն ասում ելին նրան, վոր նա մտածի իր առողջության մասին։ Յեվ յերբ նա հարցնում եր՝ «Ի՞նչ անեմ», ընկերներն առաջարկում ելին զբաղվել Փիզկուլտուրալով, — մարմնամարզությամբ։ Այդ մի բառը բավական եր Արշավրին ծիծաղ պատճառելու համար։ Ինչպես չե։ Մարմնամարզություն։ Յեվ այդ մարմնամարզությունը պետք ե հրաշք կատարի և իրենից գուրս բերի մի նոր չերկուես։ — Վոչ, — ասում եր նա, — հասարակության մեջ մարդկանց մի մասն, զբաղվում ե մտավոր աշխատանքով, մյուսը՝ Փիզիկականով։ Յես մտավոր աշխատանք եմ կատարում։ Մարմնամարզությամբ թող զբաղվեն Փիզիկական աշխատանք կատարողներն ու պլոֆեսիոնալ սպորտիստները... Այդ խոսքերն ասելուց հետո նա հեռանում եր իրեն ձնշող այդխոսակցությունից։ «Ինչո՞ւ համար աշխարհում զեռ մտախոր աշխատանքը չի գնահատվում Փիզիկականի չափ»։ — դառնացած մտածում եր նա։ Նրան միաբն մի փոքր հանգիստ եր պետք։

Անքան, վոր մի քիչ ժամանակով իրեն զգար համեմատաբար ավելի կազդուրված։ Իսկ հետո, հետեւալ տարի՝ նորից ամառանոց։ Յեվ այդպես ել վարվում եր նա։ Սակայն, ամառանոցից վերադառնալուց մի ամիս հետո ելի կը կնվում եր հին յերդը։ Այժմ, յերբ իր արձակուրդը մոտենում եր, նա նորից մտածում եր հանգստանալու մասին։ Մի շաբաթ առաջ նա նամակ եր ստացել Մոսկվայի ողանակորդական դպրոցում սովորող իր ընկերոջից. — Միհրանից, և այժմ սպասում եր նրան։ Նա գտլու յեր և իրենք միասին գնալու ելին ամառանոց։

4

« Սերը, — դա մի տղայի և մի աղջկա ընկերական փոխարաբերություների ամենամտերիմ տեսակն ե։ Այդ պատճառով ել չկա սեր այստեղ, ուր չկա ընկերական փոխարաբերություն, այլ կերպ ասած՝ ուր չկա կարծիքների ու դադախարների նույնատեսակություն։ Սերը, — դա միայն կիրք չե։ Կիրքը սիրո մեջ՝ դա բնության տվածն ե։ Կա նաև կուլտուրայի բերածը։ Այդ յերկուսից ե բաղկացած սերը։»

Ահա Մըրշավրի թեորիան սիրո մասին։ Կենցաղալին խնդիրներին նվիրված ժողովների ու զրուցների ժամանակ նա այդ թեորիան հաճախ

եր առաջադրել և անցկացրել։ Այժմ լեկել եր ժամանակը, վոր նա իր կաշվի վրա փորձեր իր թեորիայի ճշությունը։ Նա շրջում եր փողոցով, մտածում եր Գոհարիկի մասին և քթի տակ մրթմրթում եր իր Փորմուլան։ Այս, շատ լավ կլինի։ Ուղղակի կդնա և կասի. «սիրում եմ»։ Առանց մեշշանական ձգձգումների։ Կկանգնի և պատասխանի կսպասի։ Նա կպատասխանի։ Այս կամ վոչ։ Բայց հավանական ե, վոր «այս» պատասխանի։ Առանց մեշշանական ձգձգումների։ Լավ կլինի։

Միքանի անգամ ուզեց գնալ նրա մոտ և հենց այդպես ել վարվել, բայց հետո մտածեց, վոր մի յերկու որից հետո ինքը՝ մի ամսով հեռանում ե քաղաքից և ցանկալի չե, վոր սիրո մեղրամսի չորս-հինգ որը դեռ չանցած, բաժանում տեղի ունենա։ Յեվ հետո՝ կար նաև մի ուրիշ հանգամանք։ Այդ այն եր, վոր տարված սիրային «պարապմունքներով», նա կարող եր զիջել ամառանոց գնալը, վորը, սակայն, իրեն համար այնքան անհրաժեշտ եր։

Այս եր պատճառը, վոր նա շարունակ հետաձգում եր իր «խոսակցությունը» Գոհարիկի հետ։ Իսկ մինչ այդ, ամեն ինչ առաջվա նման եր շարունակվում։ Դարձալ Գոհարիկը, դարձալ «Մըրշավր», գնանք մի քիչ զրուցենք», և դարձալ

կիսամութ ու սակավամարդ փողոցները։ Միակ նոր բանը, վոր կար, այդ այն եր, վոր Արշավիրն այժմ Գոհարիկի վերաբերմունքի լուրաբանչուր կետում տեսնում եր սիրահարության նոր և նոր հավաստիքներ ու նշաններ։ Ազո, Գոհարիկն անտարբեր չե իր հանդեպ...

Մի որ, յերբ Արշավիրը մտածում եր Գոհարիկի այն խոսքի վրա, թե՝ «Արշավիր, յերբ պետք ե ամուսնանաս», ինքնաբերաբար հարց տվեց նրան.—«Իսկ դու յերբ պիտի ամուսնանաս, Գոհարիկ»։ Գոհարիկն ուրախ ժպտաց և պատասխանեց, վոր այն ժամանակ, յերբ Արշավիրն այդ կառաջարկի։ Սովորական, չափազանց սովորական այդ կատակն այս անգամ ուրիշ կերպ յերեց Արշավիրն և նա հրճվեց։ «Ափսոս, վոր շուտով ամառանոց եմ գնալու», մտածեց նա, լուս նալով Գոհարիկին։

5

Միհրանն յեկավ։ Նա փոխադրվել եր ողաչուական դպրոցի վերջին կուրսը և շատ ուրախ եր Յեկող տարի նա կիխի ողաչու, իսկական ողաչու։ — լուսչեկ։ Արշավիր հետ պինդ գրկախառնվեցին և համբուրվեցին։ Զորս տարի յեր, վոր չելին տեսել միմանց։ Արշավիր վերջին հիշողությունները Միհրանի մասին այն ելին, թե ինչպիսի անսահ-

ման կարոտով նայում եր իր ընկերը յերկնքին և ցնորում եր ողաչու դառնալ։ Իսկ ինքը, Արշավիրը յերազում եր դառնալ մեծ հեղափոխական գործիչ, գնալ Զինաստան կամ Գերմանիա, գործել այնտեղ, ապա մասնակցել ապստամբական շարժումներին, հեղափոխություն կատարել։ Յերկու ընկերներից Միհրանն լնդհանրապես չար տղա յեր և ճարպիկ։ Այնքան անհանդիստ եր, վոր վոչ վոք չեր կարող ասել. թե նրան տեսել ե կես ժամ մի տեղում հանդիստ նստած։ Իսկ ինքը, Արշավիրը, ընկերոջ բոլորովին հակապատկերն եր ներկայացնում։ Յերկար ժամերով նստում եր տանը, կարդում վորեւ քաղաքական գործիչի կենսագրությունը կամ բրոցյուր, վորից հետո զեր եր կենում և գնում զեկուցում լսելու։

Այժմ նույնպես յերկու ընկերները միանգաման տարբերվում ելին միմյանցից։ Արշավիրն հակառակ, Միհրանը հաղթանդամ եր, ուժեղ և զեղեցիկ կազմվածքով։ Նրա ողաչուական կաշվե զգեստներն ավելի ելին շեշտում նրա հաղթանդամությունն ու մարմին զրավչությունը։ Նա նույն անհանդիստ տղան եր, ուրախ և առաջին հայացքից կարծես լրջությունից միանգաման զուրկ։ Կարելի յեր յենթագրել, վոր միան նա բավական եր՝ կենսու բախությամբ վարտկելու հոռետեսների ու պեսիմիսաների մի ամբողջ առդիտորիա։

Նայելով՝ Արշավրին վոտից գլուխ, Միհրանը զարմացած բացականչեց, վոր նա շատ ե փոխվել. կուրծքն ավելի ներս ե ընկել, ուսերն ավելի լեն սեղմել և առաջ լեկել, և վոր նրա ամբողջ մարմինը «բրակ» ե: «Դու մկաններ բոլորովին չունես», — ասաց Միհրանը, տրորելով ընկերոջ թեր, վորից նա ցավ զգաց: — Մնացել ե կաշիդ ու վոսկորդ: Դու մի ըոպե ողում մնալ չես կարող: Շտապենք գնալ ամառանոց: Քեզ կազդուրվել ե պետք: — Իսկ քիչ հետո հարցրեց. — Դու ֆիզկուլտուրայով զբաղվեմ ես: — Արշավրի ըստ բացասական պատասխան տվեց, դա շատ զարմացրեց ու վշտացրեց Միհրանին: — Վոչինչ, սրանից հետո կպարապես: Յես ինքս եմ հանձն առնում», — ասաց նա: Ընկերը ձախ չհանեց:

Արդեն մութն իջում եր: Արշավրին ընկերոջն առաջարկեց զբուանքի գնալ: Գնացըն: Յեզ երբ շրջել ելին կես ժամի չափ, հանդիպեց Գոհարիկը: Նա բարեկեց Արշավրին և հետաքրքրությամբ սկսեց Միհրանին դիտել: Նա չեր ճանաչում նրան: Գոհարիկը միացավ և սկսեցին միասին քալել:

Միհրանը միքանի անգամ նայեց Գոհարիկին: Ըստ յերեսուլթին աղջիկը նրան դուր յեկավ: Նըա զննող հայացքը Գոհարիկի մեջ գտավ յերեկվա կաշվե պիշակավոր ու «զուտ հասարա-

կական» կոմյերիտուհուն, վորն այսոր արդեն դարձել ե իսկական աղջիկ և ուզում ե ապրել իբրև այդպիսին: «Միրուն կոմսոմոլկա», ասաց իր մտքում և ընկերոջ թեր սեղմեց. — Ծանոթացրու...

Արշավրի կրծքի տակով կասկածը սողաց և անցավ: «Ել յես ի՞նչ ծանոթացնեմ, յերկուսդել կոմյերիտականներ եք, խոսեցեք միմյանց հետ», — բարձրաձայն ասաց նա, ի պատասխան ընկերոջ շշունջի, Գոհարիկը ծիծաղեց «Ա՛, դու ուզում ես ինձ հետ ծանոթնալ, — խնդրեմ»: Ու ձեռքը մեկնեց:

Այդ ըոպելից ամբողջ յերեկոյան զբուանքին տոն տվողը Միհրանն եր: Ուրախ զրուցում եր Գոհարիկի և Արշավրի հետ, պատմելով Մոսկալից, ոդանավալին դպրոցից և ելի ուրիշ շատ բաներից: Գոհարիկին շատ եր հետաքրքրում այդ նոր զրուցակիցը, վորովհետեւ նա հալիտենական «քաղաքականության ու տնտեսության» փոխարեն թարմություն եր մտցնում ամեն ինչի մեջ: Մոսկալիվա, ոդանավ, կոմսոմոլկաներ, սեր, համբուլը, լող, զբուանք... Նա հարցրեց Միհրանին. — Ի՞նչ ես զգում ողի մեջ յեղած ժամանակ: — Միհրանի աչքերը փալեցին: — Ո՛, ոդում... Այդ ուրիշ բան ե, Վանաւուր, պրոպելլերը: Ոգանավը բարձրանում ե, Բոնել ես զեկն ու ժպտում ես: Հար-

ված հետեւում ես մեքենայի աշխատելուն։ Վո-
չինչ չկա, ամեն ինչ կանոնավոր ե։ Հանկարծ,
թոփիքի ժամանակ, «ողային փոս», — դատարկ
տարածություն։ Գնդակի պես ներքեւ ե սլանում
ողանավը։ Խորտակում։ . Զե։ Մի-յերկու մետրից
հետո, - վոնց վոր բնկնի փափուկ բարձի վրա։
Անող տարածությունն անցանք... Լավ ե ողում...

Միհրանի վոգերությունը վարակել եր Գո-
հարիկին։ Բորբոքված հայացքով ու ծալրահեղ
լարված ուշադրությամբ նա լսում եր նրան, իսկ
յերբ նա լոեց, Գոհարիկը նայեց նրան ու ժպտաց։
Միհրանը նույնպես խորիմաստ ժպտաց և ընկ-
ճող հայացքով նայեց աղջկան։ Գոհարիկը գլուխը
կոացրեց։ Արշավիրը նկատել եր, թե ինչպիսի
ուշադրությամբ եր լսում Գոհարիկն իր ընկերո-
ջը։ Նկատել եր և ախրեց։ Ե՞ն, զրո՞դ։ Ի՞նչ ար-
ժի։ Որեկան քսանյերեք ժամ մտավոր աշխա-
տանք կատարիր, հյուծիր ամբողջ մարմինդ ու
առողջությունդ, բո բոլոր ուժերը նվիրիր գոր-
ծին և ահադին ոգուաներ տուր, — մինույնն ե,
չես գնահատվի ձիշտ ե, քեզ հասարակությունը
կդնահատի, կուսակ, ությունը, խորհրդային մար-
մինները։ Բայց ինչ վերաբերում ե անհատա-
կան կյանքին, այդտեղ արգեն, — ուրիշ բան։ Վոչ
մի Գոհարիկ չի լել թքի քեզ վրա։ Սակայն բա-
վական ե մի մկանոտ մարմին, մի ցուլի կազմ-

վածք, լրջությունից զուրկ մի շատախոս, և ահա
նա պատրաստ ե նրա գիրկն ընկնելու...

Արշավիրն սթափվեց։ Այդ կերպ մտածել իր
հարազաա ընկերոջ մասին։ Այն ել առաջին հան-
դիպումից միքանի ժամ հետո... ի՞նչ մեղք ունի
Միհրանը։ Աղջիկներն են մեղավոր, վոր տղայի
մեջ այդքան սիրում են «բնության տվածը»,
թքելով «կուլտուրայի բերածի» վրա... Ինքն ե
մեղավոր, վոր բնությունից ստացել ե փշրանք-
ներ և այդ փշրանքներն ել սպառել ե, ի՞նչ ու-
նի ինքն այժմ։ Յերկար ժամերի աշխատանք,
կոմիեր իտական, հասարակական աշխատանք, բայց
վոչ յերբեք անձնական տանելի կյանք։

Արշավիրը նորից սթափվեց։ «Համաձայն
ես», հարցրեց Միհրանը։ «Ի՞նչին, յես չեի լսում»։
Գոհարիկը ծիծաղեց։ «Միհրան, ընկերդ զբաղ-
ված եր կոռպերատիվի ստորին ցանցի սոցիա-
լական գունի ուսումնասիրությամբ», կատակի
տվեց նա, անգիտակցաբար խոցելով Արշավիրի
ամենացավոտ տեղը։

«Ի՞նչին», կրկնեց Միհրանը։ «Մենք համա-
ձայնության յեկանք, վոր ամառանոց գնանք յե-
րեքով։ Համաձայն ես»։ «Յես վոչինչ չունեմ
դեմ» — ասաց Արշավիրն ու լոեց։ Ապա, պատ-
ճառաբանելով, վոր իրեն հոգնած ե զգում, գնաց։
Միհրանն ու Գոհարիկը միքիչ ել խոսեցին ամա-

ռանոցի մասին, ծրագրեցին, ապա բաժանվեցին:

6

Այն ամառանոցը, ուր նրանք գնացին լեռեքով, գտնվում եր մի բարձրադիր վայրում. անտառապատ եր և ջրերով հարուստ: Փոքրիկ գյուղաքաղաքի տներից մեկում մի սենյակ վարձեցին լերկու ընկերները, իսկ Գոհարիկը տեղափորվեց վոչ հեռու, իր ընկերունիներից մեկի տանը:

Շրջապատն շտապեց իր բարերար ազդեցությունը ներգործել Արշավրի վրա և նրա տրամադրությունը բարձրացավ: «Դու, ընդհանուրապես, ինչպես ես հանգստանում ամառանոցում»: հարցրեց Միհրանը: «Գնում եմ անտառ, պառկում եմ մեջքիս վրա և այդպես մնում լերկար ժամանակ: Ապա սարն եմ բարձրանում: Յերեմին ել լողանում եմ»: «Քիչ ե», ատամների արանքից արտնչաց ընկերը: Ուշ եր: Այդ որը ընեցին: Հետեւալ առավոտյան, շատ վաղ, Միհրանն ընկերոջն արթնացրեց և առաջարկեց մի քիչ մարզանք կատարել: Արշավիրն աշքերը կիսաբաց արեց և զարմացավ: «Այսքան շնոր վերկենալ: Այն ել մարզանքի համար: Արա քո մարզանքը, յես դեռ քնել եմ ուզում և մարզանքի հետ գլուխ չունեմ»: Միհրանն ուզեց զոռով վերկացնել, բայց ընկերոջ լուրջ ընդիմությանը հան-

դիպելով, տխուր դուրս յեկավ: «Կետ առաջին, հինգ ըռպետի վաղք վաղ առավոտյան, մաքուր ողի մեջ», — մըթմըթաց նա ինքնիրեն ու սլացավ: Հենց այդ որվանից ել Միհրանը ձեռնարկեց հասարակական աշխատանքի: Հավաքեց գյուղաքաղաքի կոմիերիտականներին ու մյուս լերիտասարդներին, նաև ամառանոցավորներին և կազմակերպեց սպորտ-խմբակներ. — ընդամենը լերեք խմբակ, վորոնցից մեկն՝ աղջիկների:

Այդ նորությունը մեծ հետաքրքրություն առաջացրեց: Բոլորն շտապում եին անդամագըրվել: Շատերն իրենց կյանքում մարզանը չելին կատարել: Յեվ յերբ հետեւալ առավոտյան նրանք հավաքվեցին մարզանքի հագուստներով, ստեղծվեց մի ծիծաղաշարժ տեսարան: Լզար վոտքեր ու թերեր, արջի նման մազոտ, բոլորովին սպիտակ և թեթև հովից մրսող: Հատկապես նրանցից մեկը, կմախքի նման լզար ու թուլակազմ մի լերիտասարդ, Սուլեն անունով, զրավեց Արշավրի ուշագրությունը. նա կանգնած եր շենքի մոտ և պասիվ հետաքրքրությամբ դիտում եր հավաքվածներին: Տեսնելով Սուլենին, Արշավիրը բռնվեց անզուսպ ծիծաղով, ապա դառնալով նրան, ասաց. «Միհրելի ընկեր, յեթե ինձանից սպորտիստ դուրս գա, քեզանից ել դուրս կգա: Իզուր մի չարչարիք առանց այն ել չարչարված

մարմինդ»։ Ու նորից անզուսպ ծիծաղեց։ Միհրանը նայեց նրան։ «Վոչինչ, շուտով ամեն ինչ լավ կդառնա», — ասաց նա և անցավ աշխատանքի։

Մի որ նա, դառնալով դեպի Արշավիրն, ասաց. «Լավ, ասենք՝ թե չես ուզում մարմնամարդությամբ զբաղվել. իսկ ինչը կիսանգարի, իեթե ներկա գտնվես խմբակների պարապմունքների ժամանակ»։ Արշավիրը չմերժեց. Լավ, ինքը համաձայն ե։ Անտառի ձանձրութից ու լեռների միատեսակությունից հետո արժե մի մի անզան ներկա գտնվել այդ թերրորդ անհետաքրրությանը։

Առավոտյան ժամի յոթին սկսվեց պարապմունքը. Արշավիրը գժկամությամբ վեր լելավ անկողնից, հազնվեց ու դուրս լելավ։ Պարապմունքն սկսվել եր. — Մեկ, յերկու, յերեք, չորս, — հրահանգում եր Միհրանը։ Ապա՝ հինգ, վեց, յոթ, ութ. Մարզիկները կատարում ելին ազատ շարժումներ։ Արշավիրը կանգնեց և սկսեց դիտել. «Ի՞նչ կա հետաքրքիր։ Ի՞նչ են անում վոր… իզուր և անտեղի զբաղմունք։ Ինձ թվում ե, վոր Փիզկուլառալի մասին գոյություն ունեցող կարծիքը չափազանցված ե։ Մարզը, վոր քնականից կարծիքը և առողջ չլինի, ինչ կարող ե անել Փիզկուլառան…»։ Արշավիրը ձանձրացավ և ուզում եր հեռանալ, յերբ տեսավ, վոր արդեն սկսվում ե աղջիկների պարապմունքը. «Ահա, դա

հետաքրքիր ե», — ասաց նա ու մնաց. Բարձրության թռիչք. այդ եր այդ որվա պարապմունքը Միհրանը կանգնեց փայտի մոտ. Նրա ուշադիր աչքերը հետեւում ելին վազող աղջկա շարժումներին և, յեթե կարիք լինում եր, նա արագությամբ բռնում եր նրա թերից և ոգնում ցատկելու։ Այսպես հերթով գալիս ելին աղջիկները, վազում միքանի քաղլ ու ցատկում։

Արշավիրը նախանձով նայեց Միհրանին. «Յերջանիկ», մրմնջաց նա.

Հանկարծ նրա մտքերի թերը կտրվեց. Անգոհարիկը չի վազողը. Ահա ցատկեց. Գոհարիկը… Նախանձն ու խանդը միանդամից լեփ լեկան Արշավիրի կրծքի տակ։ Գոհարիկը մարզիկ… ինչու, վորովհետև Միհրանն ե խմբակի ղեկավարը. Ահա, տես, նորից ե ցատկում Ուհ, ինչ սիրով բռնեց թերից… Ահա, տես, թե ինչպէս են ժպտում միմյանց…

Արշավիրը կծկվեց. Նրա ուսերը կարծես ավելի սեղմվեցին և իրար յեկան. Նա իրեն վոչինչ եր համարում այդ «թեթեսողիկ» Միհրանի հանդեպ և ինքն իր վոչնչությունից տանջվում եր և ամաչում։ «Պիտի գամ մի որ, յերբ աղջիկները տղաներին սիրեն վոչ թե ըստ իրենց Փիզկական հատկությունների, այլ ըստ մտավոր կարողությունների։ Պիտի գամ մի որ, յերբ շրջա-

պատի մարդիկ, փոխանակ Միհրանին նայելու և
հիանալու, նայեն իրեն։ Փոխանակ ասելու «լավ
մարմին ունի» ասեն՝ «մտավոր խոշոր կարողու-
թյուններ ունի»։ Դժվար թե այդպիսի որ գա»։
Իր վոչչության զիտակցությամբ տարված, նա
մոռանում եր, թե ինչքան հարգում ու սիրում
ելին իրեն քաղաքի կոմիերիտականները և ինչ-
քան մեծ հույսեր են դրել իր վրա կուսակցու-
թյունն ու կոմիերիտությունը։ Յերբ վերջի-
վերջո հիշեց այդ մասին, ատամների արանքից
ջղայնացած մրմնջաց. «Վոչինչ պետք չե ինձ. յե-
րանի թե յես Միհրանի տեղը լինելի. Յեթե աշ-
խարհն ամբողջովին հենված ե այդ հիմար սկզ-
բունքի վրա, յես չեմ ուզում բացառություն
կազմել։ Չե վոր յես ել եմ ուզում ունենալ անձ-
նական կյանք, անձնական բախտավոր կյանք»։

7

Յերեկոյան դեմ Արշավիրը պառկած եր ան-
կողնու վրա և մտածում եր. Յերբ դուռը բաց-
վեց ու ներս մտավ Միհրանը, նրան թվաց, թե
ներս մտնողն ընկերը չի, այլ թշնամի, վորի
հանդեպ ինքը, դժբախտաբար, կարող ե ունե-
նալ միայն անհույս նախանձ ու խանդ։ Այսուա
մենայնիվ նա վորոշեց խոսել նրա հետ և միքա-
նի բաներ հարցնել։ Սկսեց այսուեղից, վոր հար-

ցրեց, թե ինքը գոհ եր իր աշխատանքից։ Միհ-
րանը գոհ եր. «Իհարկե, անհնար ե գոհ չլինել, —
ասաց նա, զսպելով իր դառնությունը. —աղջիկ-
ներ, մերկ թևեր ու սրունքներ, կուրծք»... Միհ-
րանը զարմացած նայեց ընկերոջը. Ի՞նչպես թե:
Այս նա սխալվում է. Իր գոհունակության
զգացմունքը բղխում ե վոչ թե մերկ թևերից ու
վոտներից, այլ այդ թևերի ու վոտների մարզ-
վելուց։ Տղա թե աղջիկ, գեղեցիկ թե տգեղ,
միենունն են իր համար։ Պարապմունքի ժամա-
նակ նրանք մի-մի հավասար միավորներ են և
ուրիշ վոչինչ։ Այդպիս պետք ե մտածի յուրա-
քանչյուր իսկական մարդիկ և յուրաքանչյուր
մարդ, վոր ունի առողջ բանականություն և զգաց-
մունքներ։

Արշավիրը վաղուց ի վեր ճանաչում եր Միհ-
րանին՝ նրան չհավատալու համար. Ընկերոջ խոս-
քերի յուրահատուկ անկեղծ շեշտար համոզեց նրան
և նա զգաց, վոր Միհրանն ասում ե ճշմարտու-
թյունը. «Այդ լավ ե, —մտածեց նա, —ուրեմն վը-
տանգ չի սպառնում Գոհարիկին. Կարելի յե վաղն
և թ բացատրվել նրա հետ»։ «Իսկ յես, —մտա-
ծեց նա քիչ հետո, —Միհրանի փոխարեն՝ մեծ
գոհունակություն կզգալի վոչ թե ինչ-վոր աշ-
խատանքից, այլ այդ կանացի մարմինների հա-
ճելի հպումից...»։ Այդ մասին հարցըց Միհրանին.

«Դու հաճուկք չես զգումք... և Գիտե՞ս ինչ, — պատասխանեց Միհրանը, — բայց չվիրավորվես իմ խոսքերից. ինձ թվում ե, վոր լավ են ասել՝ առողջ հոգին առողջ մարմնի մեջ: Յեթե դու Փիզիկապես ավելի առողջ լինելիք, այդ բոլոր հիվանդությունները դուքս կտալին ուխցու: Միթե չկան անպիսիները, վորոնք Փիզիկապես վատառողջ ու թուլ են, բայց այդ բանը չի անդրադառնում նրանց հոգեբանության վրա: Իսկ գուշ, իմ կարծիքով, ամեն քաղաքուխին և ամեն գործի ժամանակ կանացի մարմին տեսնելն ու հրապուրվելը հիվանդություն ե»: Արշավիրը չպատասխանեց, բայց և չվիրավորվեց ընկերոջից: Այն գաղափարը, վոր Գոհարիկը կարող ե իրենը լինել լցրել եր նրա ամբողջ հոգին ուրախությամբ ու լավատեսությամբ:

8

Առավոտան, լեռը Արշավիրն արթնացավ, Միհրանն արդեն դուրս եր գնացել: Նա, հակառակ սովորականի, անմիջապես հագնվեց և պատրաստվեց դուրս գնալու: Կզնա, կբացստրվի: Նա բոլորվին չեր տատանվում: Նա չեր լերկչուում, ինչպես շատերը: Միայն մի բան եր նրան հուզում. այն գաղափարը, թե ինչպես քիչ հետո, անտառի խորքում, թավ խոտի վրա և ծառերի

ստովերների տակ, պիտի գրկի Գոհարիկին և պիտի համբուրի...

Դուրս գնալուց առաջ, նո նայեց լուսամուտից: Արդիոք այստեղ չի Միհրանը: Յեթե այստեղ ե, պետք ե մի քիչ ել սպասել, ապա դուքս գնալ, Գոհարիկին մենակ հանդիպելու համար: Միհրանն այստեղ չեր և վոչ ել լերիտասարգները: Պարապմունքը վերջացել եր և Միհրանը, լերի ընկերոջը լերկար սպասելուց հետո, գնացել եր. Արշավիրը դուրս լեկավ և քայլերն ուղղեց դեպի Գոհարիկի ապրած տունը Դուրս լեկավ նրա ընկերուհու մայրը, վորին և Արշավիրը հարցընց: «Մի ժամ առաջ ընկերոջը հետ զնացին», սպատասխանեց կինը: Ի՞նչ... Ո՞ւմ հետո... Միհրանի... Ամեն ինչ միանգամից շուռ լեկավ: Ուզեց հարցնել, թե ուր գնացին նրանք, բայց կինն արդեն հեռացել եր: Գոհարիկն ու Միհրանը... միասին... Արշավիրը շրջվեց և քայլերն ուղղեց դեպի անտառ: «Յեթե նրանց հանդիպումն ուրիշ բնույթ ունի, նրանք անպարհան անտառում կլինեն»: Արագ գնում եր նա, ամբողջ մարմնով որորվելով: Շտապ քայլելուց նրան շունչը կտրվեց: Նա հեռում եր և վոտքերի մեջ արգեն հոգնության ցավ եր զգում: Արդպես գնաց բագական տեղ, ապա կանգնեց: «Ո՞ւր գնալ, դեպի վճրուղղությամբ: Ո՞վ գիտե, ուր են հիմի»... Ապա

մտածկուա, կռացրեց զլուխն ու դանուզաղ շաբաւ-
նակեց ճանապարհը։ Ինչքան վողորմելի յե ին-
քը։ Այնքան անզոր, վոր, թեև գիտե Միհրանի ու
Գոհարիկի միասին լինելը, բայց անկարող ե զըտ-
նել նրանց և թքել իր վաս ընկերոջ լիրեսին։
Ոհ, նա։ Ո՞վ գիտե, հիմա վոր ծառի տակ թեք ե
ընկել, գրկել ե Գոհարիկին և ծծում ե նրա թարմ
ըթունքները...

Հուսնելով անտառ, Արշավիրը գեռ բավա-
կան տեղ քաղլեց և ատա հոգնած նստեց մի ծա-
ռի տակ։ Ուր են նրանք։ Իսկ իրեն ինչ, թե
ուր են։ Ի՞նչ պիտի անի ինքը։ Բացարձակապես
վոչինչ։ Հիմի Գոհարիկը նայում է Միհրանի
աչքերի մեջ և ծիծաղում է։ Բայց չե վոր նույն
կերպ նա կարող եր իր աչքերի մեջ նալել ու
ծիծաղել։ Հիմի Միհրանը գրկել ե նրան ու սեղ
մում ե իր կրծքին։ Բայ չե վոր ինքը նույնպես...
Այստեղ կանգ առագ Արշավիրը վոչ... իհարկե,
Միհրանն ավելի ուժեղ կսեղմի նրան իր կրծքին
և ավելի կցավեցնի։ Նա ուժեղ է։ Իսկ աղջիկ-
ների համար այդ ե հարկավոր, — կոպիտ Փիդի-
կական ուժը...

Սեփական վոչնչութիւնն ե անձնական ա-
պերջանկութիւնն ավագափարը կրծում եր Արշավ-
րին և նա պատրաստ եր հեկեկալու, յեթե գի-
տենար, վոր գրանով կարող ե հանգստանալ։

Բայց նա իրենից հեռու վանեց այդ միտքը և ու-
րիշ բանով զբաղվելու համար սկսեց դիտել շուր-
ջը և ականջ դնել։

Հանկարծ նրան ախաղես թվաց, թե հեռվից
ինչպոր ծիծաղի ձախ լսվեց։ Այստեղ տարորի-
նակ վոչինչ չկար։ Կարող եր և իրոք ծիծաղի
ձախ լիներ։ Բայց Արշավիրին թվաց, թե այդ
ծիծաղը Գոհարիկինն եր և վոչ մեկ ուրիշնոր։
Նա վեր ցատկեց տեղից և գնաց ձախի ուղղու-
թյամբ։ Ճանապարհը տանում եր դեպի անտառի
խորքը, ուր ծառերն այնքան խիտ ելին և սա-
ղարթներով միմյանց փաթաթված, վոր թողնում
ելին սյունազարդ լաբերինթոս—քարանձավի ար-
պավորություն։ Արեփ շողերն ացդտեղ չելին ընկ-
նում և կանաչը գեանի վրա սակավ եր ու նը-
վազ։ Բավական տեղ քաղլուց հետո նա ան-
սպասելիորեն զուրս յեկավ մի փոքրիկ, արեսա-
բացատ։ Իրար գրկախառնված լերկու մարմին-
ներ շատապ բաժանվեցին և Արշավիրը տեսավ
Միհրանին ու Գոհարիկին։ Իրեւ թե չնկատելով
նրանց, Արշավիրն ուղում եր անցներ, բայց ըն-
կերը կանչեց նրան։ «Վո՞չ, — ասաց Արշավիրը սա-
ռը և չոր տոնով, — յես ուրիշ տեղ եմ գնում, շա-
րունակեցեք»։ Յեվ անցավ։ Նրա սրտում այն-
քան թույն ու բարկություն եր հավաքվել, վոր
չկարողացավ իրեն զսպել, և ատամների արան-
քից մոմաց Գոհարիկի հասցելին։ «Պոռնիկ»...

Սկսվեց մի սպասելի բան, — սառնությունն ընկերների միջև։ Կամ ավելի ճիշտ կլինի տաել՝ Արշավիրի սառնությունը Միհրանի հանդեպ։ Յերեկոյան դեմ, յերբ Միհրանը ներս մտավ սենյակ և ընկերոջը բարեց, նա նույնիսկ չնայեց ել նրա կողմը։ «Յես չեմ կարծում, վոր Մոսկվան կարող եք քեզ այլքան փչացնել, ամոթքեզ»։ — ասաց նա քիչ հետո։ Միհրանը գարմացած նայեց ընկերոջը, ապա սկսեց խոսել. «Արշավիր, ի՞նչ ե պատահել քեզ...» Բայց դեռ խոսքը չափարտած, ընկերն ընդհատեց նրան։ «Յես հո աղջիկներին ձեռիցդ չեմ առնի, վոր անցյալ որը սուտ ելիք խոսում, բարբառելով ինչվոր ընկերական վերաբերմունքի, առողջ հոգու և մարմնի մասին»։ «Ախր դու սիսալվում ես, Արշավիր», սկսեց Միհրանը։ «Ի՞նչ, սիսալվում եմ, յես աչքովս տեսա քեզ ու նրան»... «Իսկ ի՞նչ, յես իրավունք չունեմ սիրելու», հարցրեց Միհրանը, «Սիրելու»... Արշավիրը լոեց։ Նա սիրում է։ Ուրեմն, ճիշտ է։ Միհրանն անցյալ որը սուտ չեր ասում։ Նա սրիկա չի։ Նա սիրում է. իսկ սա արդեն հանցանք չե... Սակայն, ինչու պատահականության բերմունքով նա սիրում է Գոհարիկին և վոչ թե մեկ ուրիշն։ «Իսկ ի՞նչու

հատկապես նրան», հարցրեց նա բարձրածախն, բայց կերկերացող տոնով. Միհրանը մի բողեկուու մտածեց, ապա հանկարծ վեր ցատկեց իր տեղից և մոտեցավ նրան. «Արշավիր, դու ի՞նչ ես նրան սիրում»... Ընկերը ձախն չհանեց. նրա շրթունքները դողում ելին. նա հանկարծ շըջվեց և ջղաձգորեն ինչվոր բան մոմոաց։

Նրա նեղլիկ ուսերն անհույս ցնցվում ելին։ «Արշավիր, ամոթ ե, դու բոլորովին նման չես կոմիերիտականի, — ասաց Միհրանը հանդիմանական տոնով. — արժե՞ մի աղջկա համար»... Բայց նրա խոսքը կիսատ մնաց։ Արշավիրը նայեց ընկերոջը. «Վոչ, Միհրան, դու սրիկա պիտի լինես, յեթե այդ կարծիքն ունենաս իմ մասին։ Վոչ։ Յես աղջկա համար չե, վոր տանջվում եմ։ Յես տանջվում եմ իմ անձնական գժբախտության և վոչնչության գաղափարից։ Այդ ե պատճառը... Այս, յես տանջվում ե նաև Գոհարիկի համար, վորովհետեւ նա միակ աղջիկն եր, վոր կարող եր ինձ սիրել, յեթե դու չինեցիր։ Դու հասկանում ես՝ ինչ ե նշանակում միակը»...

Միհրանը մտածում եր. «Յերանի շուտ ասած լինելիք ինձ», որմնջաց նա, ապա նստեց ընկերոջ կողքին. «Լսիր, Արշավիր, յես նրան սիրում եմ, նա յել ինձ ե սիրում։ Դու նրան մոռանալ չես կարող»։ Արշավիրը դառն ժպտաց. —

«Մոռանալ... Նա աշխարհի ամենալավ աղջիկներից մեկն եր և միակը, վորն ինձ կարող եր սիրել»... Միհրանն ուրիշ բան չհարցրեց: Նա լուս նստել եր և մտածում եր, կարծես ինքն իր մեջ կովելով: Ապա, արագ վերկացավ, «լավ» ասաց և սենյակից դուրս յեկավ: Արշավիրը դեռ մտածում եր:

Միհրանը քայլերն ուղղեց դեպի Գոհարիկի մնակարանը: Համելով անտեղ, նա դուռը թակեց: Դուրս յեկավ ինքը, Գոհարիկը, վարը տեսնելով դիմացինի տիսուր գեմքը, մոտեցավ և կատակի տվեց: «Դու յես, թե Արշավիրը»: Միհրանը կատակին չպատասխանեց և ապա առաջարկեց նրան դուրս գալ իր հետ զբոսանքի: «Ասելիք ունեմ», ավելացրեց նա: Միհրանի լուրջ դեմքն ու նրա շտապ այցելությունը հետաքրքրեցին Գոհարիկին: Նա թևանցուկ արագ տղային և ասաց: — «Գնանք»: Նրանք բռնեցին անտառի ճանապարհը, ապա հասնելով իրենց սովորական տեղը, նստեցին: «Դի ասա», շտապեցրեց Գոհարիկը: Միհրանը չսպասեցրեց: Նա բռնեց աղջկա ձեռքը և սկսեց: «Դու գիտես, վոր յես քեզ սիրում եմ: Այդ ձիշտ ե: Բայց մենք պետք ե բաժանմենք: Յես այնպես եմ: մտածում, վոր մի ամսից հետո, յերբ յես Մոռակա վերադառնամ, քեզ համար շատ վատ կլինի:

Մի տարի Մոռակայումն եմ մնալու: — դեռ պիտի սովորեմ: Իսկ գրանից հետո, ով գիտե, յես նորից կիշեմ քեզ կամ դու՝ ինձ: Դուցե մենք տարբեր մարդկանց հանդիպենք, մեր զգացմունքները փոխվեն միմյանց հանդեպ... Այս բոլորն ասում եմ, վորպեսզի դու քեզ հետո խարված չգդաս»: Գոհարիկը մի վճռական շարժում արեց: «Վոչ, դու ինձ չես խարում դու ինձ սիրում ես, յես այդ տեսնում եմ: Իսկ ինչ քամի փշեց զլիսիկ՝ ինձ այսպիսի բաներ ասել: Ինձ չի հետաքրքրում այն, թե մի տարի մեղնից վոր մեկն ուր կլինի կամ ուժ հետ: Յես իմ աշխատանքով եմ ապրում և վոչվոքից տնտեսական կախում չունեմ: Կոիրեմ՝ ուժ վոր ուղինամ»: «Բայց, Գոհարիկ, դու, ձիշտ ե, վոչվոքից տնտեսական կախում չունես, իսկ հասարակությունը, շրջապատճեր: Դու բարոյական կախում ունես նրանցից»... Գոհարիկը ծիծաղեց: «Վո՞ր հասարակությունը. նա միատարր չի: Յեթե հինը՝ թքել եմ նրա վրա: Յեթե մերոնք՝ մերոնք արդեն այլ կերպ են մտածում և ինձ չեն մեղագրի»: Միհրանն, ըստ յերեսութին, վոչինչ չեր կարող առարկեր: Նա միան անքանն ասաց, վոր ինքն այստեղ մնալու յէ միտին մի ամիս: «Վոչինչ, մենք մի ամիս կոիրենք միմյանց»: — ասաց Գոհարիկը: Այս խոսքերից հետո Միհրանն անչափ

ցանկություն զգաց զբկելու նրան և համբուլի-
րու, բայց զսպեց իրեն։ Նա հիշեց իր ընկերոջը։
«Գոհարիկ, գիտե՞ս, թե ինչի՞ համար յես այդ
բոլորն ասացի քեզ։ Վորովհետև Արշավիրը
նույնպես սիրում է քեզ։ Յես կարող եմ իմ
ամենասիրած ազջկան շուտով մոռանալ և սիրել
մի ուրիշին, վորովհետև աշխարհում լավ ազջիկ-
ներ չեն պակսի, բայց նրա, Արշավրի համար,
դու աշխարհի ամենալավ աղջիկն ես ու միակը,
վոր»… Գոհարիկն ընդհատեց նրան… «Միհրան,
նա իմ ընկերն ե, յես նրան հարգել և հար-
գում եմ, բայց սիրել՝ բոլորովին»։ Գոհարիկն
այնքան համոզված ասաց այդ, վոր Միհրանն
այլևս աննպատակ գտավ առարկելը։ Այնուամե-
նայնիվ դարձալ փորձեց. «Նա քեզ հետ կա-
մուսնանա, իսկ յեսս… Գոհարիկը նորից ընդ-
հատեց նրան։ «Յես, ասաց նա, նախընտրում
եմ քեզ հետ լինել մի որ, քան թե նրա հետ մի
տարի։ Այստեղ հարգանքի կամ ընկերության
խնդիր չկա։ Սերն ե վորոշողը»։ Յեվ ապա,
միանգամից կտրելով խոսակցությունը, մոտե-
ցավ Միհրանին. «Համբուրիր։ Միհրանին ուրիշ
վոչինչ չեր մնում անել…

նապես խզվեց։ Թեև նրանք գարձալ նույն սենյա-
կումն եղին ապրում, բայց համարյա թե բոլորովին
չելին խոսում միմյանց հետ։ Իսկ միասին զբո-
սանքի գնալ՝ յերեք չեր պատահում։ Այս բոլո-
րի մեջ, իհարկե, ամենաշատ մեղավորն Արշա-
վրին եր։ Նա յեր, վոր անպատասխան եր թող-
նում ընկերոջ հարցերն ու հեռանում եր։ Նա
յեր, վոր խուսափում եր ընկերոջ հետ խոսե-
լուց, իսկ խոսելու և հաշտվելու ցանկություն՝
Միհրանի կողմից միշտ ել կար, չնայած իր ըն-
կերոջ համառությանը։

Մի որ Միհրանը վորոշեց վերջնականա-
պես ամեն ինչ պարզել ընկերոջ հետ։ Նա չեր
կարողանում տանել՝ այդ կացությունը, յերբ
յերկու ընկերներ խոռվածների նման են ապրում
միմյանց հետ։ Բացի գրանից, Միհրանին տան-
ջում եր մի այլ հանգամանք։ Նա տեսնում եր,
թի ինչպես իր աշքի առաջ ավելի և ավելի յե-
նութվում իր ընկերը։ Ինչպես նա ժամերով
առանձնանում ե անտառում և իրեն հանձնում ե
տիսուր մտածմունքների։ Միհրանն իրեն նույն-
իսկ թույլ եր տալիս մտածել, վոր ընկերը
յերեմի լալիս ե ջղայնանալուց կամ վշտից։
Յեվ այս բոլորն ինկատի ունենալով, նա վորո-
շել եր անպայման խոսել ընկերոջ հետ։
Պատահեց այսպես։ Արշավրը մահճակալի

վրա լուռ պառկած եր: Միհրանը նույնպես:
«Արշավիր, ասաց նա, դու կոմսումովիստ ես և
խելոք տղա. արժե՞ այսպես շարունակել»: Ընկե-
րը ձախ չհանեց: «Դու յեկել ես ամառանոց,
թէ տանջարան: Փոխանակ կազդուրվելու և քեզ
ուրախ զգալու, ավելի յես հյուծվում ու
տանջվում»:

Արշավիրի դեմքի վրա խաղաց հեգնական
ժաղիտը, բայց այս անգամ ընկերոջ զեմ: «Խո-
սում ես փիլիսոփակի նման, իսկ յես կարծում
եի, թե դու միայն ուժի մարդ ես, — բոտչիկ:
Ասա խնդրեմ, քո մասին դու այդպես կմտածե-
միր: Յեթե իմ տեղը դու լինելիք, իհարկե, դու
այդպես չելիք մտածի: Բայց դու միշտ հաղթո-
ղի դերումն ես, իսկ լիս: Դու գեղեցիկ ես, և...»

Այս անգամ ես, չնայած ընկերոջ հեգնական,
տոնին, Միհրանը չվիրավորվեց: «Արշավիր, — ասաց
նա նախկին մտերիմ տոնով, — իմ կարծիքով,
գեղեցկության ու տգեղության խնդիրը պետք է
փորոշել այսպես: Առողջությունը՝ դա յե գեղեց-
կության նախապայմանը: Ճիշտ ե, առայժմ դժվար
է պատասխանել այն հարցին, թե ինչ պետք է
լինեն, ինչ պետք է անեն խեղանդամներն ու
այլանդակները: Դրա պատասխանն ապագայի
հարց ե: Իսկ դու չե զոր վոչ խեղանդամ ես,
վոչ այլանդակ: Դու պարզապես հիվանդու ես,

իսկ դա կարելի յե բուժել դեղերից առավել՝
ֆիզկուլտուրայով»: Արշավիրը նորից չհամոզվեց,
բայց, մյուս կողմից, նա պատասխան չգտավ
ընկերոջ ասածին՝ առողջության և գեղեցկու-
թյան մասին: Նա միայն պատասխանեց այն,
վոր ֆիզկուլտուրան, առհասարակ, հրաշքներ չի
անում և նրա հետ մեծ հույսեր չպետք է կա-
պել: Բայցի դրանից, ֆիզկուլտուրան ել նույն-
պիսի պրոֆեսիա յե, ինչպես, որինակ՝ բանջա-
րաբուծությունը: Ամեն մարդ ֆիզկուլտուրայով
չպետք է զբաղվի: «Վոչ, պատասխանեց Միհրա-
նը, ֆիզկուլտուրան մասնագիտություն չե, այ
լուրաքանչյուր մարդու համար անհրաժեշտ մի
գիտելիք: Շուտով նա կմանի մեր կենցաղի մեջ
և կղանա նրա որդանական մի մասը»:

Յերկու ընկերներն ել լուցին: Ըստ յերե-
վութին, Արշավիրը բոլորովին չեր համոզվում,
կամ համոզվում եր չափազանց քիչ: Վորոշ ժա-
մանակ լուռ մնալուց հետո նա նորից խոսեց:
«Ե՞ն, ինչի՞ մասին ենք խոսում: Իզուր խոսակ-
ցություններով մենք չենք կարող իրերի ընթաց-
քը փոխել»: Ապա նեղսրտությամբ ավելացրեց:
«Վայելիք Գոհարիկիդ. ել ինչու յես ուզում ար-
դարանալ ինձ մոտ»: Այս անգամ Միհրանը մի-
այն հանդիմանությամբ նայեց ընկերոջը և դուրս
յեկավ սենյակից:

Ամիսը մոտենում եր իր վախճանին: Ընկերներն արդեն մտածում ելին վերադառնալու մասին: Միհրանը, վոր նորից վերադառնալու յեր Մոսկվա, մտածում եր մի քիչ ավելի շուտ վերադառնալ, վորպեսզի ժամանակ ունենա միքանի որ քաղաքում անցկացնելու: Իր աշխատանքի արդյունքներն ստուգելու համար, նաև սպորտի մբակների աշխատանքները ցուցադրելու համար, նա վորոշել եր կազմակերպել մարզահանդես: Կոմիերիտականները, Միհրանի խմբակի անդամները, բոլորը լեռուզեափ մեջ ելին: Մարզահանդեսը պետք է տեղի ունենար կիրակի որը: Այդ որն ուրբաթ եր, հետեաբար և կիրակին մոտ:

Միայն Արշավիրն եր, վոր անտարբեր եր դեպի այդ անցուգարձը, վհնառում եր ձանձրութից դուրս գալու միջոցներ և չնայած դրան, ժամերով առանձնանում եր և մտածում նրան վոչ մի բան չեր հետաքրքրում: Նույնիսկ կիրակի որը, յերբ բոլորն շտապում ելին հրապարակ, մարզահանդիսին ներկա լինելու, նա ակամայից իր քայլերն ուղղեց դեպի այն կողմ: Յեվ այդ ել հատկապես նրա համար, վոր նորից տեսնելու յեր Գոհարիկին, վորին և ուղում եր տեսնել, և շտեսնել:

Մարզահանդեսն սկսվել եր: Արշավիրը,

տեսնելով մարզիկներին, զգաց մի չար նախանձ: Նա մտածում եր, վոր դրանք բոլորը վաղը մյուս որը պետք է դուրս գան մի-մի Միհրան, իսկ ինքը... Լցված չար նախանձով և հեգնելու ցանկությամբ, նա առաջ անցավ դեպի նրանց շարքերը, գտնելու և ծաղրելու համար այն մի նիհար, թուլակազմ յերիտասարդին, Սուրեն անունով, վորին նա մի անգամ ել եր տեսել և մի անգամ ել ծաղրել: Մերկ մարմինների տեսքն ու քրտնահոտը զգվանք պատճառեցին Արշավիրին, և նա իրեն զգաց ձիերի ջոկատում: Բայց նա շարունակեց իր ճանապարհը: Նա վնատում եր իր հին ծանոթին:

Վորքան ավելի յեր առաջանում նա, այնքան շատ աճում եր նրա մեջ մեկին խոցելու, վիրավորելու ցանկությունը: Զե վոր այս բոլոր մերկ մարմինները վիրավորում են իրեն, ծաղրում են իրեն, իր ներկայությունը: իր գոլությունը... Նիհար յերիտասարդը չկար: Արշավիրը նրա նման մեկին տեսավ, բայց դա նա չեր: Սուրենը չկար: Բայց ի՞նչպես, չե վոր նա, ըստ Միհրանի պատմածների, ամենականոնավոր կերպով հաճախողներից մեկն եր: Արշավիրը կանգնեց և անփուլթ սկսեց մտածել: Հանկարծ մի միտք կալծակի նման անցավ նրա գլխով, նա արագ շուռ յեկաղ, հասավ Սուրենի նման տղայի

մոտ, բռնեց նրա ձեռքից և շարքերից դուրս բերեց։
Ապա բռնելով նրա մլուս ձեռքն ել, վոտից մինչև
զլուխ չափեց նրան և ապա զարմացած
բացականչեց.

— Սուրեն...

Սուրենը զարմացավ այդ անծանոթ լերի-
տասարդի արածից։

— Քո անունը Սուրեն ե...

— Այու։

— Ուրեմն դժու յես նա։

— Ո՞վ։

— Դու չես հիշում ինձ, Յես քեզ ծաղրել
եմ այն ժամանակ, յերբ դու դեռ նոր ելիր
մտնում խօսակը։ Դու այն ժամանակ ինչքան
նիհար ելիր, թուլակազմ, հիվանդու։ Այդ ինչ-
պես պատահեց հրաշքը։

Սուրենը միամիտ ժպտում եր։

— Ուրեմն հնարավիր և այսպիսի բան, հա։
Հնարավիր և այսպիսի հրաշք։ Արշավրի անկրակ
աշքերում փայլեցին հույսի շողեր։ Նա նորից
բռնեց Սուրենի լերկու ձեռներից, և մի անգամ
ել հիացմունքով նայեց նրան։ Վոտից զլուխ։
Ապա հանկարծ թողեց նրան և վազ տվեց Միհրանի
մոտ։

— Միրելի Միհրան, յեկ հաշտվենք։ Յես

քեզ ներում եմ ինձ պատճառած վշտերի համար.
դու յել ինձ ներիր։

Միհրանը չեր հասկանում, թե ինչումն է
բանը։ Նա թեև գիտեր իր ընկերոջ բնավորու-
թյան այդ տարրորինակ գծերը, այնուամենայնիվ,
զարմացավ նրա ընթացքի վրա։

Թողնելով Միհրանին, Արշավրը դուրս յե-
կավ հրապարակից և քայլերն ուղղեց գեղի ան-
տառ։ Արագ-արագ քայլով բավական տեղ, նա
հոգնած նստեց մի ծառի տակ։

Այժմ կարելի յե հանգիստ մտածել։

Ուրեմն, այդպես Մարմնամարզությունը,
ֆիզիկական կրթությունը զուտ մասնագետների
համար չե։ Նրանով՝ պետք ե զբաղվի յուրաքան-
չուր մարդ։ Ճիշտ ե։

Ճիշտ եր ասում Միհրանը։

Ուրեմն, հրաշք կարծվածը, իրոք, կատար-
վում ե։ Թույլը ուժեղ և դառնում, տիսուրն՝ ու-
րախ, հոսետեսը՝ լավատես։ Ճիշտ ե։

Ճիշտ եր ասում Միհրանը։

Կոկծի նման մի բան այրեց Արշավրի
սիրաը։ Ինչու համար իզուր կորցրի իմ լավ
տարիները, առանց նրանց վայելելու։ Հիմի ուշ
չե։ Մի բոպե նրան թվաց, թե այսա ամեն
ինչ կորած ե, բայց հիշեց իր տարիքն ու ժպտաց։

Վաշ, գեռես հույս կա. ամեն ինչ գեռես
կորած չե:

Նրա աշքերի առջեռվ անցան մարմիններ,
ողի՝ միջից թուշող, ցատկող մարմիններ, նետվող
նիզակներ, գնդեր, սկավառակներ, բարձր թոշող
փուղբոլի խաղաղնդակ և ուրիշ շատ բաներ:
Ահա թե ինչ...

Սուրենը... Այդ այն Սուրենը չեր.— Իիվան-
դոտ, թուլակազմ, վորին ինքը ծաղրեց: Ինչքան
ե առողջացել. ինչքան ե գեղեցկացել... Արշավ-
րի մաքերի ընթացքը հանկարծակի կանգ ա-
ռավ: Գեղեցկացել... Առողջացել ե և գեղեցկա-
ցել: Իսկ ինչու յե գեղեցկացել... Դա այն վող-
բալի տեսք ունեցող Սուրենը չեր...

Արշավրի ականջին հնչեցին ընկերոջ խոս-
քերը: Առողջությունը գեղեցկության նախա-
պայմանն ե...

12

Յերբ նույն որը յերեկոյան, անտառում
զբոսնելով, Արշավիրն ընկերոջը պատմեց իր
ամբողջ զգացածը, նա չափազանց ուրախացավ
և ուրախությունից գրկեց ընկերոջը:

— Ուրեմն հիմա ուզում ես մարմնի կու-
տուրայով զբաղվել:

Արշավիրը ժպտաց:

— Բայց դու զնում ես շուտով:

— Վոշինչ: Յես քեզ կսովորեցնեմ, վորից
հետո դու ինքու, առանց ուրիշի ոգնության
կամ ցուցմունքների, կկարողանաս շարունակել:

— Լավ:

— Վաղը կգամ պարապմունքի:

Արշավիրը մտած կոտ կուցրեց գլուխը.

— Վոչ...

— Ինչու:

— Ամաչում եմ...

Միհրանը բարձր ծիծաղեց:

— Լավ, այն ժամանակ յես քեզ հետ ա-
ռանձին պարապմունքներ կունենամ: Համաձայն
ես: Մինչև վոր կկարողանաս մի քիչ համարձա-
կություն ձեռք բերել:

— Այս, արդպես կիխնի:

Քաղաք վերադառնալուց յերեք որ հետո
Միհրանը զնաց:

Արշավիրը կանոնավոր կերպով կատարում
եր նրա ասածները:

Յերբ նրա մարմնի միջով կենսատու մի
հոսանքի նման անցնում եր բերկությունը, նա
ուրախ ժպտում եր: Նա նայում եր իր թույլ
թերին և մարմնակազմին, վորն ոկսել եր պրն-
դանալ, կայտնանալ և լցվել մկաններով: Թեկ-

ալդ բոլորը գեռ հազիվ նշմարելի յեր, բայց
Արշավիրն զգում եր ալդ ամենը և հրճվում, իր
Ընկերոջ ասածները միս և արխոն ելին առնում:
Պարզորոշ կերպով նա զգում եր, վոր ինքն
որըստորե առողջանում ե և կազդուրվում:

Ֆիզկուտուրան գրափել ու կլանել եր Ար-
շավիրի ուշադրության մի խողոր մասը: Նա
տեսնում եր, վոր քաղաքականությունից, տնտե-
սագիտությունից և սիրահարությունից զատ,
ուրիշ շատ հետաքրքիր բաներ կան աշխարհի վրա:

Բոլորում եր իր քսաներկումբորդ գա-
րունը: Նա մինչեւ այժմ անխնամ եր թողել իր
մարմինը և միայն այս տարի յեր լսում նրա
ձայնը:

Նրա մարմինի վերածնման հետ միասին ինչ-
վոր փոփոխություններ ելին կատարվում նաև
նրա հոգու մեջ: Թեև առաջմ փոքր փոփոխու-
թյուններ, բայց այնուամենայնիվ պարզ եր, վոր
սիրո պըսբէմը դադարում եր նրա համար գրա-
մատիկական առեղծված լինելուց:

Նա զգում եր, թե ինչպես իր մեջ առա-
ջանում և ծնունդ են առնում նոր զգացմունք-
ներ, նոր ցանկություններ. — ավելի լավ և առողջ:
Նա զգում եր, թե ինչպես փոխվում ե ինքը՝
վոչ միայն ֆիզիկապես, այս հոգեպես...

Այս, առողջ հոգին առողջ մարմի մեջ:

«ԶԵՄԼԱՄԵՐԸ»

Մաշված, քրտնակալած կարտուզավոր գըլ-
խարկը գլխին, գլուղի փողոցներով ման եր գալիս
նախկին հողաչափ, «զեմլամեր» Գասպարը:

Ման եր գալիս և ախ քաշելով նախում եր
գաշտերին.

— Չե, ախպեր, լավ չեն չափում հողերը:
Իսկի գենլամեր խո չկա ես քամբախտ աշխարհ...

Ցել ելի նախում եր գաշտերին, գաշտերի
միջից անցնող ջրանցքին ու ելի մըթմըթում եր
քթի տակ.

— Բա ջրանցքը... Իսկի եղ տեսակ ջրանցք
անցկացնել կլինի... Վանց վոր զոռով բերես, եղ
տնաքանզների արտերի կողքով անցկացնես:
Խեղճ տերտերի ու բյուսպի արտերն ենտեղ պա-
պակում են, իսկի վրեն աչք դարձնող չկա: Խի
պիտի աչք դարձնեն. ենա իրանց արտերը ջրանց-
քի լավ տեղն են գցել ու ամեն որ ջուր են
տալիս...

Գլուղամիջով գնում եր հին հողաչափ, —
«զեմլամեր» Գասպարը, ու մեկ ել տեսակ, վոր

դիմացի կալի մեջ նստել և Պետրոս բիձեն շի-
րուխ և քաշում:

Մոտեցավ:

— Բարի որ, կուրակ Պետրոս բիձա, — կատա-
կի տվեց «զեմլամեր» Գասպարը:

— Աստծու բարին, Գասպար:

— Այ մարդ, խեր լինի, ելի նոթերդ կի-
տել ես:

— Ի՞նչ խեր, ի՞նչ բան, այ բալամ: Են բատ-
րակ են, ինչ զահրումար են. թամամ ելել են
ջրի լերես:

— Վճնց: ॥

— Ասում են՝ շատ ենք աշխատում, փողը
քիչ ես տալիս, նեղացնում ես: Ախր չի կարելի,
և Յես եմ իրենց մշակը, թե իրենք՝ իմը:

— Փոխվել ե աշխարհը, Պետրոս ամի, փոխ-
վել ե: Են հայվան մշակն ել վոր մարդամեջ
խառնվի, ել աշխարհ կմուա իր տեղը...

Ու լոեց:

Չեր խոսում նաև Պետրոս ամին:

Յերկուսն ել մտածում ելին:

«Զեմլամերը» կամաց կամաց սկսեց ավելի
և ավելի խորը մտածել. մտածեց և հիշեց ան-
ցած ժամանակները: —

Չորս հինգ հոգի հետն առած, դրողի քյուի-
լի հետ միասին գնում ելին դաշտ և սկսում ելին

չափել: Գլուղի հարուստներն արդեն ապահով
ելին և հանգիստ կերպով իրենց արտերն ելին
վարում: Նրանք դիտելին, վոր չափեն կամ չչա-
փեն — միենույնն ե, իրենց հողերը չեն վերցնե-
լու. դեռ մի բան ել կավելացնեն:

— Վա, վա, վա, խեր լինի, ես վոնց, բղա-
վում եր մի կողմից իր արտը վարող Ոհաննեսը. —
Ես ի՞նչ խաբար ե: Սելրան եք եկել...

— Ի՞նչ սելրան, Ոհաննես ջան, հողաբաժա-
նություն ե. մեռանք չափելով, — պատասխանում
եր քչոխվան:

— Դժվար ե, շատ դժվար, — ավելացնում եր
«զեմլամերը»:

— Իե եկեք նստեք, մի քիչ հանգստացեք, —
ասում եր ելի Ոհաննեսը: Տանից հաց ու մաց են
բերել, վոր ուտեմ, ըսկի ժամանակ չունեցա: Մի-
մի կտոր հաց գնենք բերաններս, ելի վեր կե-
նանք մեր գործին...

— Ուշանում ենք ախր, — ասում եր քոյխվան
կես բերան:

— Խի՞ լեք ուշանում, հյա որ շատ կա:

Ու նստում ելին:

Ոհաննեսը հանում եր տոպրակի կամ խուր-
ջնի միջից նոր թխված հաց, պանիր, ձվածեղ,
ու մեկ ել տեսնես, պուպուս... ողու շիշը:

— Վա, այ տղա, դու մըտն ես վարում,

թե պիտիցություն ես անում, — ծիծագում եր
քլուզվան:

— Կարելի լա, — աշքով եր անում Ոհաննե-
սը, — մեկ-մեկ՝ մնաս չունի խմելը:

Յեվ արտի գլխին նստած, սկսում ելին լավ
ուստեղ ու խմել...

ԴԵ, դըանից հետո, կուլըն ել գիտե, թե
ում ե շատ հողաբաժին ընկնելու, ում՝ քիչ: Կամ
ում ե ընկնելու հողի լավը, ում՝ հողի փառը:

ԴԵ, նրանք ել «պատվի տակ» մնացող մար-
դիկ չելին: Հետևալ որը քրոխվան մի փոչխար եր
ստանում, ինքը ^Պ մի գառ:

Գասպարը հառաչեց.

— ԶԵ, հիմի ըսկի լավ չեն չափում...

— Ի՞նչը, — զարմացավ Պետրոս ամին:

— Արտերը. ըսկի չափել չեն իմանում: Տես-
նես վոր թուկից փախածներին բռնել զեմլո-
մեր են դարձրել... վոր մտիկ եմ տալի, ըսկի
գլուխու չի մտնում դրանց չափածը:

— Ըստ... — համաձայնվեց Պետրոս ամին

— Սուտ եմ ասում...

— Ի՞նչն ե սուտ: Եդ լավ; Եդ ազիկ հողերն
առան, տվեցին քասիբ-քրուսուբին: Ել գեղամի-
ջուղ վոչ մեծ ա մնացել, վոչ մեծի պատիվ իմա-
ցող: Բա եդ ազիկ հողերն եդպես մարդու կտան...

— ԶԵ, Պետրոս, հիմի լավ չեն չափում, —

ասավ Գասպարը մի անգամ ել և վեր կացավ:
— Ո՞ւր ես գնում, մասլահաթ ենք անում,
ելի:

— Գնամ մի հատ գեղամեջ, տեսնեմ ինչ
կա: Ասում են խրճիթումը դագեթ ա եկել, գրած
ա, վոր կառավարությանը զեմլամեր ա հարկա-
վոր: Բալքի, ասում եմ, ինձ ել ընդունեն, ապ-
րենք ես քամբախա աշխարհում:

— Հայ թե եգպիսի մի բան կլներ, համ,
ուրտիսացավ Պետրոս ամին, վորը ժամանակին
քիչ ոգուտ չեր տեսել «զեմլամեր» Գասպարից:

— Տեսնենք վոնց կլնի, — ասաց Գասպարն
ու կամաց կամաց վերկենալով, քայլերն ուղղեց
դեպի խրճիթ-ընթերցարան:

Հանելով խրճիթ-ընթերցարան, նա մոտե-
ցավ վարիչին, վոր մի կոմէրիտական եր, նույն
դրուղացի:

— Աղա, գաղեթի վոր նոմերումն ա գրած,
վոր կառավարությանը զեմլամեր ա հարկավոր:

Խրճիթ-ընթերցարանի վարիչը գտավ նրա
ուղած համարն ու տվեց «զեմլամերին», քթի
տակ աննկատելի կերպով ծիծագելով:

«Զեմլամեր» Գասպարը բաց արեց թերթը.
հայտարարությունը գտավ և սկսեց կարդալ.

ՀԱՅՏԱՐԱՐՈՒԹՅՈՒՆ

Հողժողկոմատի համար հարկավոր
ե մի փորձված հողաշափ, բարձրագույն
կրթության համապատասխան վկայա-
կաններով:

Գասպարն աչքերը չոեց:

Նա նորից կարդաց: Բայց վոչ մի ոգուտ
դրանից: Կարծես թերթի այդ եջից, այդ հար-
տաքարութլունը ծիծաղում եր իր վրա և ա-
սում եր.—

— Ե՞ւ, քու դարն անցել ե. Գասպար դու
ել «զեմլամեր» չես, դու մեռած մարդ ես:

Յերբ վերջիվերջո համոզվեց, վոր դա իր
բանը չի, Գասպարը թերթը վայր գրեց սեղանին
և կամաց դուրս յեկավ խճիթը լութերցարանից:

Կոմիտեիտականը նրա յետեից սկսեց բարձ-
րաձայն ծիծաղել:

— Ե՞ն, քանդվի աշխարհը, վոնց վոր քանդ-
վել ե, նորից արտնջաց «զեմլամերը». Իսկի մի
կարգին, խելքը գլխին զեմլամեր չունի ես կա-
ռավարությունը:

ԲՈՎԱՆԴԱԿՈՒԹՅՈՒՆ

1. Բանվորուհին	3
2. Մարմնի ձայնը	11
3. «Զեմլամեր»	51

455
Мкртич Արմեն
РАЗСКАЗЫ

Часть II.



ԿԲԸԲ 20 ԿՊՊ.

2013

